

欽定大清會典事例

欽定大清會典事例卷十二

內閣

典禮

祭祀書祝版
神位題字

錫製壇

冊廟

寶
朝會執事
齋戒陪祀

祭祀書祝版○恭遇

園丘

方澤

祈穀

常雩

社稷

列聖升配

列聖

列后升祔。加上

尊謚

太廟時饗祫祭。

日壇。

月壇。

先農壇。

歷代帝王廟。

先師廟。

皇帝親詣行禮。或遣官行禮。前期二日。太常寺官送
祝版於內閣。滿洲中書敬書祝辭。凡祀

天。

地。

太廟。

社稷。

日。

月。應書

御名者。大學士敬書於版。因事告祭亦如之。

如係遣官行禮

則由學士恭書

巡幸告祭古昔陵寢之在其地者及

親詣闕里祇謁

先師由

行在太常寺官具祝版送

行在內閣恭書豫送祭所

壇

廟

神位題字○恭遇

列聖升配

南郊

北郊工部製

神位安奉幄次。內閣官題清字。翰林院官題漢字。大學士滿漢各一人。朝服視鑄。上香行禮。先期一日。皇帝詣齋宮。大學士入幄。右門朝服上香行禮。視工部官以青飾。

神位題字。

列聖

列后升祔

太廟製

神位於

陵寢配殿行禮如儀加上

尊謚恭請

神位於

太廟街門內潔室題字漆飾畢大學士二人朝服上香

行禮視飾青奉安

中殿上香行禮如儀

錫製

冊

寶○恭上

尊謚

廟號工部製

冊

寶恭設於政事堂。大學士率學士及禮部工部堂官俱朝服行禮。大學士一人奉

冊一人奉

寶。授匠錫字及填金。皆行禮如儀。

冊立

皇后

冊封

皇貴妃

貴妃製金

冊金

寶

冊封

妃

嬪製

冊印皆於內閣鐫字行禮惟恭製玉

冊玉

寶及加上

尊謚改製玉

冊玉

寶皆於

太廟街門內潔室錫宇。大學士等行禮如儀。

朝會執事○恭遇

皇帝登極。內閣學士奉

詔書陳於東楹北案。大學士率學士詣

乾清門請

皇帝之寶。學士恭奉。大學士從入殿。設於中案。退俟。皇帝御太和殿。王公百官行禮畢。大學士進殿左門。

奉

詔陳於中案少退學士進就中案用

寶詔大學士奉

詔由闕東出殿中門授禮部尚書禮部尚書跪受興

降自東階陳於雲盤由中道出乃頒於天下謹案

凡遇慶典學士奉頒詔學士奉詔授禮部尚書詔陳於東楹北案大學士奉頒詔授禮部尚書詔陳於東楹

○恭遇

授

受大典大學士奉

傳位詔設

太和殿東楹北案詣

乾清門請

寶如

登極儀俟

太上皇帝升殿宣慶賀

傳位表

嗣皇帝率王公百官行禮畢大學士二人恭導

嗣皇帝近

御座前跪左旁大學士請

寶跪奉

太上皇帝

太上皇帝親授

嗣皇帝。

嗣皇帝跪受。右旁大學士跪接奉設。

御座右旁几上。大學士恭導。

嗣皇帝詣拜褥。

嗣皇帝率王公百官行禮。

太上皇帝還宮。

嗣皇帝於

保和殿暖閣更衣。

皇帝禮服。學士奉。

傳位詔及

皇帝之寶。設於

太和殿正中案上。

嗣皇帝御太和殿登極行禮畢。大學士奉

傳位詔授禮部尚書頒布如儀。○恭上

皇太后

尊號

徽號大學士一人奉

奏書。函內閣中書前導至

中和殿大學士奉

奏書陳於殿內正中黃案。展書加函上。俟
皇帝御中和殿北嚮。

閱奏書畢。大學士納書於函。恭奉。

奏書由殿中門出。

皇帝詣。

皇太后宮。至。

慈寧門前。大學士奉。

奏書函由中階升。退俟於左門之東。

皇帝由東階升。至。

慈寧門左西嚮。立。大學士一人由西階升。

皇太后御慈寧宮

升座。

皇帝詣

慈寧門正中拜褥上立。大學士二人進至案前左右

立。鳴贊官奏跪。

皇帝跪。大學士跪進

奏書於右。

皇帝受奏書恭獻。大學士跪接於左。奉置正中案上。

俱退。屈吉。恭進。

冊

寶。內閣禮部官奉

冊

寶於盞奉宣讀

冊

寶於函校尉昇亭至

太和殿設

冊

寶亭於黃案左右內閣禮部官奉

冊

寶於正中黃案上

皇帝御太和殿北嚮

閱

冊

寶畢奏

冊

寶大臣奉置亭內校尉并亭至

慈寧門前奉

冊

寶大臣恭奉

冊

寶置階下案上。大學士二人奉宣讀

冊

寶設東旁案上。退立於案東。

皇帝由東階升。至

慈寧門左西嚮立。大學士二人由西階升。立於西檐

下。

皇太后御慈寧宮

升座。奉

冊

寶大臣就階下案上奉

冊

寶升中階。設於正中案上。退。

皇帝詣

慈寧門。正中拜褥上立。鳴贊官奏跪。

皇帝跪。王以下諸臣皆跪。鳴贊官贊進。

冊

寶大學士由東旁案上奉宣讀。

冊

寶。以次跪進。

皇帝受。

冊

寶恭獻授西旁大學士跪接奉置正中案上如儀○

冊立

皇后之禮先期

命冊立正副使各一人至日工部官以

節送內閣禮部侍郎一人奉

節入

太和殿中門陳於中案

皇帝升殿正副使行禮畢乃宣

制正副使跪大學士進殿左門詣中案奉

節由闕東出殿中門至丹陛以

節授正使正使受

節偕副使興持

節由中階出

謹案恭遇學士奉

節授大婚典禮同○

冊封

皇貴妃

命冊封正副使各一人

皇帝不升殿禮部官奉

節設於

太和殿中案正副使由東階升北面跪大學士朝

服詣案奉

節授正使如儀。恭遇

命將出師。

皇帝升殿。學士二人豫奉

敕印陳於東案。大將軍自東階升立丹陛之東北面。
接

敕印官二人從升。大學士一人入殿左門奉

敕授大將軍。大將軍祇受授接

敕官跪奉退。俟於左。授印如之。若大將軍先在軍營。
遣使齎授。

皇帝升殿大學士一人奉

敕授正使一人奉印授副使以次祇受自東階降奉
敕印以往○每科

殿試天下貢士讀卷大學士等前期奏請

制策派出漢中書恭繕讀卷大學士等監視刊刻貢
士對策讀卷大學士等以卷進呈

欽定甲乙中書恭繕大小金榜及三傳摺傳臚日鴻
臚寺官於五鼓赴內閣領三傳摺學士率典籍
官奉榜至

乾清門以小金榜進呈

御覽大金勝用

御寶畢。典籍恭奉前行。學士隨後。恭設

太和殿內東案。大學士立殿外東檐下。

皇帝升殿。讀卷官行禮畢。大學士進殿左門。詣案前奉勝授禮部尚書。乃宣

制。武進士傳臚。設金勝於殿內西案。大學士立西檐下。俟行禮畢。大學士進殿右門。詣案前奉勝授兵部尚書如儀。○每歲三大節朝賀。及恭遇慶典。

皇帝升殿受賀。諸王及大學士率百官具賀表。豫送

禮部屆期宣表官自東檐入殿左門至東案前奉表至檐下正中北面跪大學士二人左右跪展表乃宣表

皇帝臨雍禮成

升殿衍聖公進表如之

齋戒陪祀○乾隆十三年

諭向來

郊壇大祀凡遇遣官恭代之日大學士皆不齋戒陪祀蓋因會典內開載定例有武官公以下輕車都尉以上文官尚書以下員外郎品級以上之語是以親王

及內大臣大學士等皆不陪祀。朕思王等天潢近派。原與臣寮不同。自當隨駕前往。內大臣等職司環衛。若專顧陪祀。則禁直必致曠誤。惟親行扈從。亦為合宜。若大學士乃政府之臣。為百寮表率。當故謹齋宿。以為衆倡。何以轉不陪祀。揆厥由來。當緣明代大學士僅列五品。在尚書之下。文官以尚書為冠。則大學士已在其中。至我朝雍正年間。大學士既定為一品。在尚書之上。則所稱尚書以下。應改為大學士以下。嗣後一應祭祀。大學士等一例齋戒陪祀。將此載入會典。

欽定大清會典事例卷十三

內閣

職掌進本

進本○凡各省將軍督撫提鎮學政鹽政順天奉天府尹

盛京五部本章俱齎至通政司由通政司送閣為通本六部本章及各院府寺監衙門本章附於六部之後統為部本通本到閣由漢本房繕貼黃滿本房照繕清字移送票籤處部本於前期一日送閣有密題者加封刑部則於例進本外

另具備本二件。以備撤換。不用仍領回。內外臣工慶賀表文。由內閣撰擬定式頒發。屆期呈遞。外藩朝貢呈進金葉蒲葉表文。及各處表牋。方物狀。另繕清漢文合璧一分。與原表文一併呈遞。凡侍讀學士以下辦理本章分五所。曰滿本房。滿洲侍讀學士二人。侍讀四人。中書三十九人。貼寫中書二十四人。專司繕寫清字。校正清文。曰漢本房。滿洲侍讀學士二人。漢侍讀學士二人。滿洲侍讀三人。漢軍侍讀二人。滿洲中書三十一人。漢軍中書八人。滿洲貼寫中書十六

人專司繙譯清漢文。漢中書三人繕寫本單。曰蒙古房。蒙古侍讀學士二人。侍讀二人。中書十六人。貼寫中書六人。專司繙譯外藩各部文字。曰滿票籤處。滿洲侍讀三人。滿漢本房兼票籤處。滿洲中書二十人。貼寫中書八人。蒙古房兼票籤處。中書二人。曰漢票籤處。漢侍讀二人。漢中書二十七人。專司繕寫清漢票籤記載。

諭旨○順治二年

諭凡陳奏本章。照故明例。殊覺遲誤。今後部院一切疏章。可即速奏。候旨遵行。至於各衙門應屬某部者。有

應奏事宜。即呈該部轉奏。至直省撫按總兵等官。凡有章奏與某部相涉者。亦必具文該部。部臣即請旨定奪。或部臣不聽。致有遲誤。或部議舛謬。不合事宜。或冤抑苦情。不肯代為上達。或有劾部臣章奏。俱赴都察院。即為奏聞。其有與各部無涉。或條陳政事。或外國機密。或奇特謀略。此等本章。俱赴內院轉奏。○又議定。凡內外官員題奏本章。不得過三百字。雖刑名錢穀等本。難拘字數。亦不許重複冗長。仍將本中大意撮為貼黃。以便覽閱。其貼黃不許過一百字。如有字數溢額及多開條款。或

貼黃與原本參差異同者。該衙門不得封進。仍以違式糾叅。○八年議准。題本奏本各有格式。字畫多少長短寬窄。原自不同。禮部查照原定格式通行頒發。如有違錯。照例糾叅。○十年

諭。今後凡係機密及叅劾本章。俱著實封進奏。○十三年

諭。向來科道及在京滿漢各官奏摺。俱先送內院。今後悉照部例。徑詣宮門陳奏。其外省所送通政使司題本。及在京各官本章。仍照舊送通政使司轉送內院。

○十七年

諭部院等衙門所奏本章。若即日發下擬旨。本章繁多。關繫重大。恐一時難以致詳。今後各衙門及科道各官本章。俱著於每日午時進奏。候朕披覽。次日發下擬旨。以便詳閱批發。其通政使司所封各項本章。向來先送內閣譯進。今後著該衙門自行封進。朕覽過發譯。如係密本。亦著該衙門不拘時刻封進。○康熙

四十七年

諭吏兵刑三部彙題之事。朕先屢經明諭。應十日彙題。十五日彙題者。即如期具奏。今觀彙題之事。每遲延數月始奏。內有丁憂遷葬終養省親老病乞休等事。

有關員缺不可遲延。傳諭該部嗣後如期具奏。毋得久稽。○雍正元年

諭。國家保障封疆。惟武臣是賴。參將以上責任尤重。其年老有疾不能辦理以致營務廢弛者。自難姑容。但其間或有久歷戎行。曾著勞績者。情亦可憫。嗣後參將以上有老病之員。該督撫提鎮照例題參。仍將伊從前行開效力之處。查明繕摺夾入本章內。同送內閣奏聞。朕酌加恩典。以示篤念舊勞之意。○二年

諭。題本題知字樣俱改奏聞。○又覆准題奏本章舊例除刑名錢穀外。不得過三百字。貼黃不得過百

字。如字數溢額許通政司駁回。但緊要章疏。如興利除弊。獎善懲惡等事。正須詳明。有裨政治。若限定字數。不許多開款項。必致遺略。嗣後題奏本章。除式樣擡頭錯誤外。通政司不得以字數款項多寡違式。擅自駁回。知照各省督撫。轉行文武各衙門一體遵行。○三年覆准。題奏事件。理應畫一。行令各督撫。將軍提鎮。嗣後錢糧刑名兵丁馬匹地方民務所關大小公事。皆用題本。用印具題。本身私事。俱用奏本。雖有印之官。不准用印。若違題奏定例。交部議處。○六年

奉

旨。嗣後本內若再有兩引條例者。外省督撫提鎮本章。著通政司駁回。將情由叅奏。三法司本章。著內閣駁回。將情由叅奏。○又

諭。朕慎重民命。留心刑獄。每於讞決之際。往復審察。至再至三。是以外省每年秋審。亦照朝審之例。悉令三覆奏。聞今思每日所進本章內有擬以極典及斬絞立決之犯。雖其情罪俱屬重大。律無可寬。然朕心猶欲審慎而後置之於法。嗣後如遇此等本章。已閱過票籤。交與本房者。著批本官員照三覆奏之例。進呈。

三次候朕再加詳審然後批發以副朕欽恤矜慎之至意○乾隆二年覆准凡和同誘拐之案援照積匪猾賊充軍等犯彙題之例一面審擬咨部完結一面詳記檔案交保管束安插嗣後和誘之案俱令速審照例定擬咨部完結統於歲底彙題毋庸逐案題覆至三犯竊盜得贓五十兩以下三十兩以上者原係情罪稍輕改發煙瘴地方之犯既經審明贓據確實即可定擬完結亦照例於歲底彙題一次○四年覆准嗣後除人命強盜情罪重大例應發黑龍江等處者仍令各

諭

督撫特疏具題外。其餘因事擬遣一切軍流等案。如果案犯情節顯明。別無疑竇。俱照誣告反坐之例。令各督撫迅速審擬。咨部完結。統於歲底彙題。仍將各案原招造冊送部查覈。○八年本。日刑部覆奏福建二案。因此事係該督摺奏。刑部亦即用摺。朕思此二案。該督以事係密奏。故無揭帖。但俱關人命。該部仍具本題覆。為是可將原摺發交該部。換本具題。奉旨之後。六科接旨。亦不必發鈔。即令該部密行文。該省遵旨完結。嗣後各省督撫。摺奏事件。有關係人命。發交部議者。俱著照此辦理。○十

三年

諭。向來各處本章有題本奏本之別。地方公事則用題本。一己之事則用奏本。題本用印。奏本不用印。其式沿自前明。蓋因其時紀綱廢弛。內閣通政司借公私之名。以便上下其手。究之同一入告。何必分別名色。著將向用奏本之處。概用題本。以示行簡之意。○十

四年

諭。朝審情實人犯。例由刑科三覆奏。其後各省秋審亦皆三覆奏。自為慎重民命。即古三刺三宥遺制。謂臨刑之際。必致其詳審。不可稍有忽略耳。非必以三為

節也。朕每當勾到之年。置招冊於旁。反覆省覽。常至五六徧。必令毫無疑義。至臨勾時。猶必與大學士等斟酌再四。然後予勾。豈啻三覆已哉。若夫三覆奏本章。科臣恩遽具題。不無亥豕。且限於時日。豈能逐本呈覽。朕思為政惟當務實。而師古不在徇名。三覆奏之例行之雖久。實不過具文。若不詳閱招冊。即照例十覆。亦不過照例票旨。此廷臣所共知者。徒事繁文。何益於政。嗣後刑科覆奏。各省皆令一次。朝審仍令三覆。○十五年

諭

各省督撫叅劾不職屬員。或請革職休致。或請降補。

改教皆地方公務並非應行密辦之事。理當繕本具題。方合體制。近來督撫有先具摺奏聞。聲明另疏題參者。尚屬可行。而亦竟有以摺奏代具題者。究於體制未協。著通行各省督撫。凡遇此等參奏。概用題本。以昭慎重。○二十年奏准瘋病殺人。係照過失殺人例收贖。即入於過失殺人之案。彙題毋庸另行彙題。以歸簡易。○又奏准立決重犯及侵貪官員限內病故。並奉

旨勾決。尚未正典刑。監斃在獄者。仍專本具題。其餘監候人犯病故。隨時咨報刑部。仍於秋審本內

彙題○二十三年奏准嗣後各省一切彙題事
件統限開印後兩月內具題如有遲延查叅議
處再遇失殺人監犯病故決過重犯三項駐防
旗人脫逃外遣人犯脫逃拏獲創獲賊犯私鹽
變價四項誣告反坐尊長毆死有服卑幼等項
積匪猾賊和同姦拐尋常軍流五項均令併為
一本以昭畫一。行追贓罰自理贖錢二項分款
造冊統為一本彙題遞解軍流口糧支給獄囚
口糧二項分款造冊統令彙為一本具題○二
十五年覆准裁減本章四件一八旗補放官員

向係各該旗帶領引

見述

旨後移咨兵部。仍按月彙題。此本刪一。改授庶吉士。上諭一道。向係具題恭繳。此本刪。仍令繳內閣。

盛京莊頭等每年糧石數目。向係另本題報。嗣後歸併每年出入糧石。並存騰數目。本內具題減去本一件。一口內莊頭等每年糧石數目。向係另本題報。亦令歸併每年出入糧石。並存騰數目。本內具題減去本一件。○又議裁通本十件。一。玉粒告成題本。除順天府藉田告成。照舊具

題外。其東三省內止黑龍江將軍一處題報。令與各省稽穀收成一體咨部。毋庸專本具題。一鄉飲酒禮咨部存案。毋庸具題。一恭繳郵符咨部彙題。毋庸專本具題。一各省耕藉日期咨部存案。毋庸具題。一各省將軍副都統提鎮奉到敕諭

恩詔各日期咨部查覈。毋庸具題。一各省副都統提鎮恭謝加級紀錄

恩報。明該將軍督撫彙題。毋庸專本具題。一各省三年有無成效事件。報明各該督撫彙題。毋庸各

該提鎮專本具題如有應行展限者即行報部
展限。各省並無匪類在營假冒食糧等弊。照
例取具印結送部查覈毋庸按年具題。督撫
代藩臬謝

愚業經具摺陳奏毋庸另題仍令自行報部。一告病
丁憂休致在籍之翰林道府副將以下等官病
故咨部註冊按季彙題毋庸專本具題。○二十
九年覆准嗣後直省本章照奏摺敬謹書寫楷
字不得輕墨淡描以防日久漫漶之弊。至各省
督撫銜中尚有沿襲舊稱而於現行事宜不符

者。交該督撫酌量刪節。至加級紀錄降級留任等項。儘遇應敘應議吏部有冊可稽。原毋庸本人開寫。惟革職留任。出自

特恩。仍應列入銜中。再外省應行具本之武職大員。及學政鹽差等官。其本銜均屬無多。毋庸議減。惟加級紀錄降革留任各字樣。亦照督撫之式酌量刪節。以示畫一。○又奏裁通本十二件。一。各省督撫提鎮三年題報有無成效事件。相沿日久。習為故套。並無可辦理之處。此本刪一。督撫鹽政各官恭繳

敕諭題本科鈔到部。並無辦理之處。毋庸專本具題。
一。各省同知以下各官。如有呈請更名復姓改
籍情事。俱令照例咨部辦理。毋庸具題。一。各省
將軍及副都統提鎮各官奉到

敕諭日期。已於乾隆二十五年刪除。至督撫鹽政各
官奉到

敕諭日期題本。亦應刪去。一。彙題功加病故。改為咨
行辦理。此本刪。一。各省將軍副都統提鎮題報
巡查起程日期。改題為咨。一。各省將軍副都統
提鎮題報巡查回營日期。亦改題為咨。一。武職

都司以下更改姓名。先由該督撫取具印甘各結咨部辦理。毋庸年底彙題。一衛千總呈請終養。各省有咨報者。有題報者。兵部俱附入彙題。本內各該督撫自行畫一咨部。毋庸具題。一各省題報並無贓贖。俱可咨行辦理。毋庸具題。一各省題報並無自理贖錢。俱可咨行辦理。毋庸具題。一產三男。向由各省專本具題。嗣後俱令督撫咨報該部。仍於年底彙題。以歸簡易。○

三十八年

諭內閣奏各省大計具題俱應有藩臬考語清單隨本

進呈。今查直隸等七省並未一體辦理。請將辦理舛誤之督撫。交部察議等語。各省藩臬考語。督撫於屬員賢否摺內。原俱填註具奏。其隨大計本進呈之處。並非向來久定章程。亦非由朕特旨定例者。第因熊學鵬條奏。部議准行。所有本內夾單。不過存部備查。原未嘗憑此為黜陟。各督撫之辦理參差。尚不得謂之太過。而細覈其舛誤之由。亦必係吏部行文未能明晰所致。非督撫故違成例者可比。此次俱著免其交部。嗣後遇大計之年。著督撫等於藩臬考語另摺具奏時。聲明交部存案。毋庸再於本內夾單。以昭畫

一著為令。○四十二年咨准有關人命擬徒之案。照軍流人犯之例。年終彙題。○又咨准嗣後每年軍流遣犯。同有關人命擬徒案件。併為一本彙題。止須分項摘敘案由。毋庸錄敘全招。仍於本後聲敘某項幾案總數。以歸簡易。仍於原招分項另造清冊。送部查覈。○四十八年議准嗣後本章內。遇有字典未載之字。著該處查明土音。及如何解釋之處。隨本揭送內閣。以便繕譯對音進呈。○五十九年

諭所有各部院衙門陳奏事件。及內閣呈進本章。嗣後

俱毋庸夾看條。一律於應夾看條處飛黏黃籤。○六
十年議准各省題奏事件畫一辦理吏部各款
一丞倅牧令等官題升調補並非邊疆苗疆沿
河沿海及省會緊要缺分。一候補試用人員遇
缺分別補署。一州縣告病勒休改教及嫺親迴
避。一因公降革處分。照例開復。一疏防盜案處
分。以上五項均循例具題。毋庸再奏。一各省官
員捐墾荒地。一。大挑一等舉人到省甄別補用
一。各省書院掌教年滿以上三項均照年底彙
奏事例改奏為咨。隨案報部備覈。戶部各款。一。

接收交代。一。盤查倉庫實儲無虧。一。督撫經徵各關稅課有贏無絀及節省水腳銀兩。一。獄囚並遞解軍流口糧報銷以上四項均循例具題毋庸再奏。一。動用耗羨存公等項。一。耗羨實存銀數。一。銅斤鉛錫開幫日期及依限過境。一。餉鞘關稅銅斤過境。一。新疆應用紬緞委員起解日期。一。抽收課金採獲銅斤數目。一。灘地租銀。一。海島居民並無增添偷佳以上八項均改奏為咨。隨案報部備覈。禮部各款。一。各省親見七代。一。各省五世同堂。一。耆民請旌。一。改鑄印信。

關防以上四項均循例具題毋庸再奏查繳禁書一項咨部備覈兵部各款一副將以下題升調補並非沿邊沿海要缺參遊以下告病勒休等項及嫺親迴避一節省馬價銀兩以上三項循例具題毋庸再奏派往屯防換班官兵起程日期一款隨案咨部備覈刑部各款一尋常命盜案件一命盜等案題結後續叅州縣等官以上二項循例具題毋庸專奏一拏獲逃遣審明辦理一通緝逃遣一州縣等官分賠盜賊以上三項改奏為咨隨案報部備覈工部各款一

修建城垣衙署倉庫營房等項動用銀兩。開採硝磺鉛斤。一估變衙署及八官房屋等項。以上三項均循例具題。毋庸再奏。修造戰船一項。改奏為咨。隨案報部備覈。○嘉慶五年

諭。近來各省陳奏事件。凡本章摺奏內。恭載乾隆年間皇考諭旨。與嘉慶年間所降諭旨。一律擡寫。殊非敬謹之道。所有各省呈遞本章。經內閣票擬。其擡寫不合之處。俱籤出請旨飭行。而各省遞到奏摺。擡寫每有參差。未經通飭。嗣後在京各衙門。各直省文武大臣。遇有陳奏事件。恭載乾隆年間

皇考諭旨。首行俱用三擡。嘉慶年間。朕節次所降諭旨。首行俱用雙擡。均當一體懍遵。不得仍前疏忽。○七

年

諭。向來內閣呈進本章。凡遇禮部太常寺等衙門具題之件。有關

壇

廟典禮者。奏事處呈進時。敬列於是日各本章之前。並豫備盥洗。候朕浣手。敬謹披閱。至每日批覽奏摺。奏事處先將外省所遞奏摺呈閱後。始將各部院衙門事件。以次進呈。此內有關繫大祀典禮者。亦一律照

常呈進殊不足以彰誠敬。嗣後禮部太常寺及各衙門具奏事件。除封奏照常呈進外。其恭遇

天

地

祖

宗大祀各項典禮儀注。或奏摺及綠頭牌內有稱述尊號之處。本係露封陳奏者。奏事處即照進本之例。先行呈遞。敬候披閱。以昭慎重。○九年

諭御史賈允升奏。請嚴禁它改題。本年月蓋印之處。以防流弊一摺。所奏甚是。足見留心國政。非撫拾浮言。

者可比題本末後填寫年月。例用印信鈐蓋。原以防吏胥竄改情弊。近來外省題本。往往於填寫年月之處。多有它補。即經內閣票出飭行。亦復不加查察。殊非杜弊之道。題本書寫年月之處。乃係末幅字數無多。若有錯誤。何難接扣另繕。嗣後外省各督撫。凡遇題本年月日。俱不准它改。一有錯誤。即著另換一扣。黏尾接寫。仍將黏接之處鈐印。以杜弊端。而符體制。至通政司衙門。遇有題本月日改補者。向俱隨時用揭帖聲明。送閣內閣。即票擬飭行。何必逐件題叅。徒滋繁瀆。所有近數月間。內閣票出年月它補飭行之

本著大學士會同通政司堂官詳細覈查到閏日期
是否逾限及月日有無不相符合之處另行具奏○

又

諭

王汝璧具題乘時買補倉穀一本已批交該部察覈
具奏矣。惟本內將前任撫臣張誠基率寫張巡撫並
未書名。經內閣票擬飭行尚覺過輕。向來臣下題奏
事件無不書名。今王汝璧於題本內將張誠基書寫
張巡撫者屢見。若該撫於此項題本曾經寓目。豈有
不行改正之理。可見外省習氣於尋常題本率委之
書吏繕寫。全不留心閱看。實屬疏率。王汝璧著交部

議處嗣後內閣於各省題本遇有一二字訛錯小有違式無關緊要者仍照舊夾籤請旨飭行若有似此等舛錯太甚關係體制之處即於本內夾片聲明請旨交部議處○十一年

諭御史楊世英奏請定題限銓法以防弊竇一摺據稱嘉慶十年各直省大計所出之缺因內閣辦理遲延致逾二月截缺期限誠恐有壓缺改選之弊請將嗣後各直省題本到閣進呈及吏部題覆均各明定期限其此次計典應選各缺可否以二月到班人員於三月銓選等語所奏係為杜弊起見部例雙單月銓

選各缺。皆有一定到班人員。原不容前後挪移。稍滋
紊亂。此次內閣具題大計。本遲延業經吏部將承辦
之員。叅奏查明。尚非有心壓閣。但銓政攸關。若俱可
因事挪移。不惟雙單月班次混淆。且恐下月應行到
班人員。急思得缺。設法鑽營。而承辦之員。又明知處
分不重。不惜身為擔任。以巧遂其積壓之私。易滋弊
竇。嗣後每屆計典。各直省題本到閣進呈。及吏部題
覆除奏明展限者。另行辦理外。其餘均著明定期限。
總不得過二月之期。所有此次應選各缺。該御史請
於三月銓選之處。尚未明晰。均著仍歸於二月銓選。

○十二年奏准各省具題本章。通政司於交送內閣之日。即將揭帖備文移送各衙門辦理。並聲明交送內閣日期。以憑查覈。本內年月日俱不准空補。如蓋印之處有空補痕迹。即照書寫違式之例票。

旨飭行。仍將經手人等分別究辦。○十三年

諭。

一日萬幾。豈可稍怠。本月二十二二十三兩日。內閣均未進呈刑名本章。實屬非是。雖因二十一日朕初得皇長孫。為國家茂衍蕃釐。但究於定制未協。又涉怠於勤政。向來凡遇慶喜令辰。將立決章奏。暫緩呈

進原有一定章程。並無因誕育皇孫連日不進刑名本章之例。設從前原議章程內載有此條。朕亦必早為刪除。試思政務殷繁。豈容稍有曠誤。若止將立決章奏暫為緩進一日。猶屬可行。至尋常刑名事件。即降旨後。尚須俟次年秋審辦理。且屆時亦有情實緩決之分。此時何所避忌。前日朕未見奏遞刑名本章。已覺不愜。乃待至昨日。猶未呈進。似此積壓頻仍。勢必漸形叢脞。豈朕教幾勤政之意乎。大學士等均著傳旨申飭。嗣後不必如此揣摩。朕非好言祥瑞之主。惟知勤政愛民耳。○又

諭。各省本章。凡關繫年月錢糧數目。俱係恭繕壹貳叁肆伍陸柒捌玖拾字樣。取其筆畫較多。難於增改。原為防弊起見。惟直隸貴州盛京等衙門及奉天府尹等處。均照常繕寫。筆畫省減。既不一律。恐滋弊端。嗣後著一律繕寫。至內閣設有漢本堂侍讀學士侍讀等官。原責令查覈各省進呈本章。分別緩急呈進。若止派中書數人管理。未免事重任輕。嗣後該侍讀學士等。除有兼別處行走者。不能專管外。其專在漢本堂行走之員。所有一切外省本章。著責令督同中書等。詳細覈辨。以昭慎重。○又

論大學士慶桂等奏。近日各部院衙門具題本章較前增多。請先期二日送閣票擬。以昭詳慎一摺。各部院衙門題本向係先期一日送閣。相沿已久。自應仍循其舊。且內閣所票本籤。即係恭擬諭旨。若立限稍寬。恐壓閣撤換。不免滋弊。惟近日各衙門疏題事件。為數本多。大學士等逐一覈定。分別票擬。兼繕清漢本籤。俱在先期一日之中。為期迫促。亦係實在情形。因念大學士等理應日贊給扉。慶桂董誥戴衢亨供職樞廷。勢不能常川到閣。嗣後著祿康費淳長麟每日輪流一人到閣。先看本章。伊等雖有應管部旗。於票

本亦不致相礙。即遇有奏事引見等事。適值輪應到閣之日。亦不妨於摺內註明。俾無曠誤。如此專以責成於進本前一日在閣就近覈定。次日進呈之前。軍機處行走之大學士等。仍可再行詳覈。庶票擬不致稽遲。辦理益昭詳慎。又奏定進本章程。嗣後每年開印以後。封印以前。皆按日進本。惟

園丘。

祈穀。

常雩。

皇帝親詣行禮。前三日齋戒。及祭日。俱不進本。

咸豐七年

定冬至三日不進刑名本。大祀遣王恭代前祭日不進本。

方澤

社稷壇

太廟時饗祫祭

皇帝親詣行禮前三日齋戒不進刑名本祭日不進本。

日壇

月壇

先農壇

歷代帝王廟

先師廟。

皇帝親詣行禮。前二日齋戒。不進立決本。祭日不進

刑名本。如遣官行禮。一日不進立決本。嘉慶十九年

諭。凡遇廟進本。咸豐二三年。中祀日期。如親詣行禮。著母

前二日齋戒。不進刑名本。祭日不進本。

皇帝親祭

奉先殿

皇后親祭

先蠶壇。俱一日不進立決本。嘉慶二十一年改定祭

本。

先蠶壇。准進立決

皇帝謁

陵日不進本。

巡幸盛京展謁

三陵禮成。

升殿慶賀。一日不進本。

社稷壇祈祀報祀。

皇帝親詣行禮。前三日齋戒。及祭日。俱不進刑名本。

如遣官行禮。前三日不進立決本。祭日不進刑

名本。

三壇祈祀報祀。前二日齋戒。及祭日。俱不進立決本。

黑龍潭。

龍神廟。祈祀報祀。

皇帝親詣行禮。一日不進立決本。

高宗純皇帝誕辰不進本。

實錄告成恭進日不進本。

皇帝御中和殿恭覽

實錄日不進本。恭進

玉牒日。不進立決本。每月初一日及庚辰日。俱不進刑

名本。

嘉慶十七年定。每月
初一日。改進刑名本。

萬壽聖節。

千秋令節元旦冬至進禮節本章之日及王大臣進
慶賀表之日俱不進刑名本封印開印冬至次

日

升殿行慶賀禮俱一日不進本嘉慶二十五年改定
冬至次日照常進本

皇帝臨雍

大闕

臨幸翰林院

升殿

啟鑒

廻鑒文武傳臚日

先師誕日。

佛誕日。立春重陽日。

皇子婚日。公主下嫁日。歸甯日。嘉慶二十一年。改為不進立決本。

冊封

妃

嬪日。嘉慶二十一年。改為進禮節日。二十五年。改為冊封。

常進開印後三日。

朝審秋審勾到日。嘉慶二十一年。改為進刑名本。不進立決本。奉

旨輟朝日。俱不進刑名本。鴻臚寺奏請

升殿日。端陽日。中秋日。

冊封

妃

嬪進禮節日俱不進立決本。又

諭太日大學士議奏不進刑名本單內朕詳加酌覈如
親祭

奉先殿及恭進

玉牒。惇敘殿筵燕宗室。向不進本之日。著改為不進立
決本。至皇后千秋先一日初九尚在朕萬壽期內。自
應仍不進刑名本章。其十一向不進刑名本之日。亦
改為不進重辟本。皇子皇孫誕日日期。仍照舊進刑

名本。餘俱照所議行。○十七年

諭。昨日內閣呈進永州鎮總兵武自珍遺本。因令詳查舊式。從前各大員身故呈遞遺摺者居多。將軍督撫內亦間有齎進遺本者。原無一定程式。外省題進本章。例應鈐用印信。拜發時並有行禮儀注。本任之員已故。則印信固封。不當擅用。且係何人代為拜發。其事全屬蹈虛。嗣後內外大員。應呈齎遺摺者。仍准其照舊呈遞。其遺本一項。著概行停止。○二十年奉旨。嗣後祈雨祈雪期內。若立決人犯。應在京處決者。毋庸具奏。如係在省處決者。照常進本。○又

諭。向來刑部具題本章。將立決監候二項。按日均勻呈進。本月初九日。該部呈進本二十三件內。立決者多至二十二件。共計人犯五十二名口。監候者止一件。若非因循積壓。何以至此。嗣後該部送閣進呈本章。立決本不得過八件。如數逾八件以外。著大學士將本駁回。仍將刑部叅奏。又奉

旨。向來刑部屆秋審時。因進呈黃冊。遂將各項本章減數呈遞。黃冊於進呈後留中。朕不時披覽。與每日閱看本章。兩不相妨。嗣後秋審時。刑部各項本章。著照常呈遞。毋庸減數。至每年開印後三日。刑部向不進

本著減去一日。於開印後第三日進紙張本。第四第五日進輕罪本。以後陸續加數呈進。○又奏准。凡祈報齋戒日期。如遣官行禮。應遵本年所奉

諭旨。立決人犯在京處決者。毋庸具奏。其餘照常進本。

○又定。每年封印前一日。內閣恭進慶賀表章。不進刑名本。○又奏准。每年小暑節起。至立秋日止。不進直隸山東山西河南

盛京五省及刑部現審立決本。○二十一年奉

旨。改自小暑節至立秋日止。不進現審立決本。自大暑節至立秋日。再停進直隸山東山西河南盛京五省

立決本。○又定。禁止屠宰日期及每月初一日十五日。俱不進立決本。○又定。每逢不進立決本。並不進刑名本之前一日。俱不進立決本。○二十四年

諭。嗣後每遇

南郊

北郊大祀之期。前五日後五日。凡在京立決重犯。俱停止具奏。著為令。○道光五年

諭。內閣為絲綸重地。向例大學士輪日到閣。閱看本章。兼覈清漢本籤。以昭詳慎。大學士托津現署刑部。並

管理理藩院事務較繁。若逐日到閣。一人勢難兼顧。著派內閣學士奕經特登額武忠額陳嵩慶朱方增。每日輪流一人赴閣閱本。其清漢本籤仍由托津覈定進呈。庶辦理益昭慎重。○二十五年奉

旨。嗣後貴妃以下及阿哥公主等。遇有舉行吉禮時。各衙門應題應奏事件。俱著照常呈遞。毋庸迴避。○又定。每年初次恭遇

御門之日不進本。嗣後再逢

御門日期。進刑名本五件。不進立決本。○咸豐四年奉

旨。御門係常朝。仍應進本。○十年奏准。嗣後有關科場
月選緊要本章。仍照舊先期一日送閣外。其尋
常本章。俱改於前二日送交內閣。前一日齎交
批本處。次早隨摺奏事件進呈。○同治元年

諭。御史劉慶奏各省題本到閣後。每多積壓。請申嚴進
本限期一摺。各省督撫具題本章。先由通政使司轉
送內閣。俟票籤進呈奉旨後。各部始能覈覆辦理。近
來內閣呈進各省題本。每多積壓稽延。甚或移前抽
後。百弊叢生。至外省官員補缺題本。內閣接到後。並
不依限進呈。以致吏部無從題覆。往往應補人員。有

經年累歲。等候部覆。不能到任者。其餘各項本章。積壓正復不少。內閣為諸曹總匯之區。似此因循玩愒。積弊相沿。殊屬不成事體。著大學士嚴飭承辦各員。嗣後各省督撫題本到閣。按照日期。編立冊檔。後即挨次繕寫呈進。其各部院題本。或清漢字樣偶誤。亦即立時更正進呈。如仍前積壓。或移前抽後。不接到閣日期呈進。致滋弊端。即行查明嚴叅懲辦。毋稍徇縱。又

諭。內閣奏查明逾限未進各省題本。請將承辦各員議處等語。各省題本到閣後。自應按照限期。隨時譯寫。

呈進。乃經理各員。因循疲玩。以致本年山東等省命案等題本。積壓四件。實難辭咎。漢本堂稽查之侍讀文興慶。劉英廉瑞廉。辦本之中書特克什勒玉秀。均著交部照例議處。所有未進各本。著飭令該侍讀等於明年開印後。按限繕譯進呈。如再遲延。即行隨時嚴參。○三年

諭。御史賈鐸奏。請剔除積弊一摺。各省題補州縣本章。例應依次繕清。按限票籤進呈。乃近來漢本堂有不。至十日半月。即送漢票籤。票擬者。有壓至累月經年。並不送票者。任意遲速。情弊顯然。嗣後各州縣補缺。

題本到閣日期。專立檔簿。登記註明。挨次緝清票擬。進呈。不得逾一月之限。並奏請欽派內閣學士二員。內閣侍讀學士二員。常川到閣稽查。逾限嚴叅。○光緒元年奏定進本日期。

列聖

列后忌辰。不進重辟本。

穆宗毅皇帝誕辰。不進刑名本。忌辰。不進重辟本。○又定十月初十日。

慈禧端佑康頤皇太后萬壽聖節。初九日進賀本。初十日。不進本。初七初八初九十一十二十三六日。

不進刑名本。自九月二十五日。至十月二十五日。不進重辟本。六月二十八日。

萬壽聖節。二十五日進賀本。二十六二十八兩日。俱不進本。二十五二十七二十九三十七月初一五日。不進刑名本。自六月十三日。至七月十三日。不進重辟本。辛未日不進刑名本。餘同前。